

淵

穎

集

六





淵 穎 集
(六)

吳 萊 撰

王雲五主編

叢書集成初編

淵 穎 集
六 冊

中華民國二十六年十二月初版

撰 者

吳

萊

徐

發行人

王

長沙南正街

五

印刷所

商

長沙南正街

館

發行所

商

務各埠

印書館

淵穎集卷十

方景賢宋景濂夜坐觀吳中雜詩遂及宣和博古圖爲賦此

壯歲何心老一儒東游飽食有江鱸

〔蘇軾賦〕狀如松江之鱸

詩宗鶴膝蜂腰體

〔詩苑類格〕沈約曰詩有八病三曰蜂腰謂第二字不得與第五字同聲如開君愛我甘切

欲自修飾君甘皆平聲切飾皆入聲也四曰鶴膝謂第五字不得與第十五字同聲如客從遠方來遣我一書扎上言長相思下言久離別來思皆平聲

禮象龍頭豕腹圖

〔禮〕夏后氏以龍勺〔注〕龍頭也用挹六彝之鬱以注圭瓚〔韓愈

石鼎聯句詩〕龍頭縮菌蠢豕腹漲彭亨

三士操琴知爾達

〔琴操〕三士窮操者其思革子之所作也其思革子石文子叔愷子三人相與爲友聞楚王之賢而好士俱往見之至於嶽巖之間空柳之下衣寒乏糧自度不得俱活二人俱以其

思革子爲賢推衣糧與之遂凍餓而死其思革子往見楚王楚王旨酒嘉穀設鐘鼓以樂之革子愴然有憂悲之意援琴而鼓之作相與別散之志王聞曰琴何悲哉革子推琴離席長跪流涕而對楚王曰嗟乎乃如是耶於是賜革子黃金百斤命左右棺斂收二子而葬之

以革子爲相

八公遺藥忍吾臞

〔神仙傳〕漢淮南王劉安者高帝之孫也篤好儒學兼占候方術作內書言神仙黃白之事名爲鴻寶愛道術之士有八公詣門皆鬚眉皓白聞人不敢通八公曰王薄吾老今則少矣言未竟皆變爲童子門

吏大驚走以報王王跣而迎之登思仙之臺張錦帳燒百和之香進金玉之几執弟子之禮朝夕朝拜遂授王玉丹經三十六卷於是雷被伍被獲罪恐誅乃誣告安謀反八公謂安曰可以去矣乃使安登山大祭埋金地中即白日昇天臨去時餘藥器置在中庭雞犬舐啄

之盡得昇天。故雞鳴天上。犬吠雲中。吳中勝處多朋故。話盡寒宵燎葉爐。

溪行望故友黃明遠槐塘新墓

往代衣冠日已賒。故山棺槨此爲家。

〔莊子〕莊子將死。曰。吾以天地爲棺槨。

經荃義闢中州魯。

〔按〕先生本集。黃隱君哀頌辭云。巖南公嘗一再攜予詣隱君。質春秋。已而予授

其孫迪學。且盡發其春秋公穀。畢傳論及三代。用正日夜食之辨。

樂調辭譏下里巴。

〔又〕隱君嘗考古今諸家所賦詩。上起漢魏。下迄於六代。陳隋而止。唐以來古體之作。一變今體。不盡錄也。間則致書巖南公。有古今體樂府之辨。〔宋玉

對楚王問〕客有歌於郢中者。其始曰下里巴人。國中屬而和者數千人。

涕淚無從餘宿草。

〔禮〕朋友之墓。有宿草而不哭焉。

文章可惜等風花。嗟茲便欲酬雞絮。

〔後漢徐穉傳

注〕謝承書曰。釋諸公所辟。雖不就。有死喪。負笈赴弔。常於家豫炙雞一隻。以一兩綿絮漬酒中。暴乾。以爇雞。徑到所起塚。境外。以水漬綿。使有酒氣。斗米飯白茅爲藉。以雞置前。醴酒畢。留謁則去。不見喪主。

目駐前溪有落霞。

浦陽十景

〔寰宇記〕唐天寶十三年。析義烏縣北鄙。及蘭溪縣東二鄉。富陽縣一里。置浦陽縣。以縣南界有浦陽浦爲名。〔水經注〕浦陽江導源烏傷縣。東逕諸暨。與泄溪合是也。至五代時。錢鏐與楊行密爲仇。凡屬地與楊同音者。悉奏改之。

而浦陽稱浦江。〔按〕

志。今屬浙江金華府。

仙華巖雪

〔按〕志。仙華山在縣東八里。一名仙姑山。又名少女峯。相傳軒轅少女於此上昇。故名。高一百五十丈。上有五峯。東溪之源出焉。

手倚晨扁一渺漫。山神擁出玉嶺岈。光侵道者祠星室。〔東陽志〕軒轅少女於此上昇。故名少女峯。舊有壇宇在其下。跡破樵家斲藥壇。石笋

撐空穿宿瞢。鄧東白游仙〔華山記〕巨石林立。其最高峭者五峯如指狀。聳削插天。天機織素掛餘寒。〔又〕第一峯最高。頂方三五丈。有異草如絲縷狀。生峭壁上。舊傳爲仙姑麻苧之遺。土人每攀爲續紡之祥。

俄然喚醒西南夢。怕作松州徼外看。〔元和郡國志〕松州嘉城縣東八十里有雪山。春夏常有積雪。〔按〕志松州今屬四川。置松潘指揮使司。領土司。

白石湫雲

獨上南山最上頭。朝躋一點便成湫。〔詩〕蒼兮蔚兮。南山朝躋。巖腰動石風初起。海眼輸泉雨欲流。〔成都記〕石笋之下是海眼。泉從石中出。

蜥蜴含珠光照夜。〔爾雅翼〕蜥蜴似蛇而四足。其狀如龍。禱雨用之。古法求雨。坊巷各以大甕貯水。插柳枝。泛蜥蜴。使青衣小兒環繞呼曰。蜥蜴蜥蜴。興雲吐霧。降雨滂沱。放汝歸去。靈隆捲鐵黑沈秋。

〔淮南子〕季春三月。靈隆乃出。以將其雨。〔注〕雷神也。明當去挾騎龍叟。解見夢巖南老人。直到扶桑第幾洲。扶桑解見送鄒獻可。

龍峯孤塔〔按〕志龍峯山在縣東一里。高三十丈。上有三峯相屬。環顧縣左。

老眼前頭尺五天。〔西安志〕樊川有章安石別業。名章曲。章曲之東有杜岐公別墅。語曰。城南章杜。去天尺五。〔杜甫詩〕爾家最近魁三象。時論同歸尺五天。眞龍角上正攀緣。規撫白馬

馱經過。

〔魏書〕漢明帝遣蔡愔、秦景等，使於天竺，寫浮屠遺範，情之還也，以白馬負經而至，漢因立白馬寺。

想像玄鰻護塔眠。

〔呂祖謙入越錄〕報恩光孝寺後飛來山，其顛南塔，采綯甚華，塔下有鰻井，乃小石竅，自唐

以來神之，謂鰻能時出妖祥，近世不復見矣。〔按〕別行云，有四種龍，一天龍，守天宮殿，持令不落者，二神龍，興雲致雨，益人間者，三地龍，決江開瀆者，四伏藏龍，守輪王大福人藏者。

梵唄將回知磬絕。

〔法苑珠林〕陳思王曹植每讀佛經，輒

流連嗟賞，以爲至道之宗，嘗游香山，忽聞空中梵天之响，清雅哀婉，竊聽良久，乃摹其聲節，寫爲梵唄，撰文製音，傳爲後式，梵音顯世始於此。

神珠欲隕見燈懸。

〔莊子〕千金之珠，必在九重之淵，而驪龍頷下，能得之者，必遭其睡也。

何

妨宴坐初禪界。

宴坐，解見嶺南六祖藏髮圖。〔法苑珠林〕彼初禪，內有覺觀火擾辭，故外爲火災燒。

蟻蝶紛飛卽大千。

〔宋玉小言賦〕憑蚋皆以顧盼，附蟻蝶以遨遊。〔爾雅注〕蟻蝶，小蟲似蚋，喜亂飛。

〔法華經〕佛以恆河沙等三千大千世界爲一佛土。

寶掌冷泉

〔按〕志，寶掌山在縣北八里，與仙華山相近，山前雙峯列峙，沿澗奇石，若虎豹狻猊，鐘鼎刀戟，上下錯列，復有玄巖湧出，類翩躚飛舞之狀，亦名飛來峯，峯下有泉甘冽，唐貞觀中，寶掌和尚西域人，生於周末，來遊東土，至此

巖下誦偈，有行盡支那四百州，此中偏稱道人遊之句，遂結茅爲庵，晏坐十七年，一日屈指已一千七百三歲，語其徒惠雲曰，吾將謝世矣，端坐而逝。

乍撥山亭木葉堆，老僧千歲喝巖開。

〔徑山事狀〕大師諱法欽，吳郡崑山人，姓朱氏，挂錫徑山，永泰中，師坐北峯石屏下，見白衣儒士拜於前，自言中子山人，長安佛法有難，聞師道行高邈，願度爲沙彌，往救，師曰，

汝有何術，對曰，我誦俱胝觀音咒，其功無比，師曰，吾坐後石屏，汝能咒令破否，曰，可，遂叱之，石屏裂爲三片，今謂之喝石巖，師知神異，爲去髮給衣，賜名惠崇，至京師，與衛士競，惠崇告勝云。

天從白石雲根出。

〔張協詩〕雲根臨八極。〔注〕雲

根石也。雲觸石而生。故曰雲根。

地帶青泥雪髓來。

解見觀沈玢續仙傳。

竹影自深斜暝月。魚腥不到半凝苔。世間夢渴知多少。可待金

莖露一杯。

金莖。解見嶺南宜濛子。

月泉春誦

〔謝翺月泉遊記〕月泉在浦江縣西北二里。故老云。其消長視月之盈虧。〔按〕志。宋政和三年。縣令浚泉搆亭。咸淳間。知縣王霖龍建月泉書堂。立朱呂二先生祠於泉亭西北。齋序直舍。祭器廩米。公廚井堰。咸具。元置書

院山長。

古木叢中息世誼。老生力學掩溪門。危絃未絕人須聽。蠹簡多忘我欲溫。白兔流光分石色。蒼龍擁沫驗

沙痕。從今更浚源頭水。

〔荀子〕君子養源。源清則流清。

莫待投膠與救渾。

投膠。解見送鄭獻可。

潮溪夜漁

昨夜寒潮與此通。荒溪尙趁百川東。行依柏樹林頭月。釣拂蘆花嶼畔風。插竹侵沙魚尾短。篝燈映草蟹碕空。太公遠矣吾將隱。赤鯉何書在腹中。

二句。解見傳子建夢得句。

南江夕照

偶出官橋倚落曛。詩家觸景漫紛紛。彈琴在缺驚聞瀑。

〔類函〕順天府居庸關。水流石罅。聲若彈琴。〔袁桷詩〕寒泉飛玉峽。誰彈使成聲。

罨畫爲溪喜

得雲。竹篠晚深樵弛擔。莎根秋短牧歸羣。道旁更有粉榆社。

〔西京雜記〕高祖小時。嘗祭粉榆之社。及移新豐。亦還立焉。

欲脫簑衣藉酒醺。

東嶺秋陰

幾點晴雲著樹梢。寒山蒼莽類城壕。雞豚日落聲相接。鶴鶴風涼勢自高。小徑殘榛分嶺脊。平疇淨綠帶

溪毛。朝來雨足多秋意。井上無人事桔槔。

〔莊子〕不見桔槔乎。引之則俯。舍之則仰。故俯仰而不得罪於人。〔說文〕桔槔。汲水器。

深窶江源

〔按〕志。深窶山。在縣西南五十里。重峯複嶺。峭拔千仞。其下溪流清澈。即浦陽深窶所出也。

半遶山根但一窪。真源鑿破杳無涯。清澄灌或於陵圃。

句解見和陶淵明。

窈窕尋猶博望槎。

〔前漢書〕張騫封博望侯。〔癸辛雜識〕乘槎之事。自唐

諸詩人以來。皆以爲張騫。雖老杜用事不苟。亦不免有乘槎消息近。無處問張騫之句。按騫本傳。止曰漢使窮河源而已。及梁宗懷作荊楚歲時記。乃言武帝使張騫使大夏。尋河源。乘槎見所謂織女牽牛。不知懷何所據而云。

積雨衝隄蝸自國。

〔莊子〕有國於蝸之左角者。曰觸氏。有國於蝸之右角者。曰蠻氏。時相與爭地而戰。伏尸數萬。逐北旬有五日而後反。

微煙霧渚鷺專沙。欲行復坐皆雲水。只屬騷人與釣家。

〔王維

詩〕行到水窮處。坐看雲起時。

昭靈仙跡

一掌嵯峨是玉京。

〔魏書釋老志〕老子上處玉京爲神王之宗下在紫微爲飛仙之主。

連峯欲向鼎湖傾。

鼎湖解見泊道隆觀。

高張黼座龍隨下。靜擁珠屏

虎獨行。白雪松扉雙立影。清風藥井倒吹聲。

〔焦氏類林〕葛仙翁於西峯石壁白中搗藥。遣一栗許有飛禽食之。遂不死。至今夜靜。月白風清。其禽作丁當杵臼之聲。名曰搗藥鳥。

長歌爲

問西王母。卻把荷花與送迎。

〔拾遺記〕西王母進穆王崑流素蓮一房百子。浚冬而茂。

宋景濂鄭仲舒同遊龍湫五洩予病不能往爲賦此

龍湫解見題清節處士卷五洩解見觀遇仙記。

知爾能攜一短筇。寺前突帆定何峯。九天管籥來飛鶴。

九天解見二月六日雨。

三島樓臺守蟄龍。

解見揚子江頭。又互見浦陽十景之龍峯孤塔。

閑欲嘯歌先目往。病嫌登陟轉身慵。西源山石東源水。

〔宋濂五洩山志〕由遇龍橋北行二十步入西潭。潭前橫一溪。水甚寒。由唐靈默禪師道場北深入百餘步。至東潭。潭上飛瀑可

二十丈。〔宋刁約詩〕東源西盡到東源。直注懸崖五磴泉。

豈但渠家有赤松。

〔列仙傳〕赤松子神農時雨師也。服水玉。教神農。能入水不濡。入火不燒。至崑崙山西王母石室中。隨風雨上下。炎帝少女追之。亦得仙去。〔又〕晉黃初平。亦

號赤松子。

滄州

〔按〕志後魏置。今屬直隸河間府。

荒亭貰酒壯心遠。目極東州霧雨微。百里齊封滄海接。千年禹跡濁河非。暗塵掉馬呈金轡。衰草看羊着錦衣。猶記上元鳴鼓夜。滿船燈火越歌歸。

次韻吳正傳觀柳林罷獵

〔方輿紀略〕柳林在潮縣西。元至元十八年。如鄆州。又如柳林。是後以柳林爲遊畋之地。

又見天星動羽林。

〔星經〕羽林軍四十五星。三三而聚。散在營室之南。天軍也。主軍騎。又主翌王也。星衆而明。則安寧。〔天皇會通〕羽林軍鄉遂之兵。較閱而不調用。

東風罷獵總駸駸。麒麟剪

鬬雕鞍密。

〔漢書注〕鬬織毛若今毼。及毼毼之屬。麒麟鬬所織。〔唐書〕代宗詔曰。所織盤龍對鳳。麒麟獅子等錦綺。並宜禁。

翡翠翻裙彩仗深。

〔說文〕翡翠。青羽雀。出鬱林。〔禽經注〕其羽直千金。

三月

宜春多別館。

〔漢宮闕名〕長安有宜春館。〔庚信春賦〕宜春苑中春已歸。

百年正始自遺音。

〔晉書衛玠傳〕何晏好莊老。作道德論及文賦。王洵好論儒道。文詞不如晏。天下翕然宗之。名理盛行。後晉衛玠與王敦相

見。敦謂謝鯤曰。昔王輔嗣吐金聲於中朝。此子復玉振於江表。微言之緒。絕而復續。正始之音。工爲文。奉黃金百觔。爲相如。文君取酒。以悟主上。復得親幸。

相如縱有千金賦。未必君王肯幸臨。

〔司馬相如長門賦序〕武帝陳皇后時。得幸頗妬。別在長門宮。愁悶悲思。聞相如

次韻吳正傳都城寒食

寒食。解見吉祥寺。

悠然獨酌舞春衫。

〔陰鏗詩〕鶯啼歌扇後。花落舞衫前。

手障黃塵客未諳。鐵騎引駝沙草北。

〔後漢書〕公孫瓚與子書曰。屬五千鐵騎於北之中。〔按〕鐵騎馬之帶甲者。

〔廣志〕天竺以北多駝駝。

〔前漢匈奴傳〕胡地沙鹵多。

雕墜驚鴈塞雲南。

〔淮南子〕鴈銜蘆而翔以避弋繳。〔山海經〕鴈門山在高柳北。〔注〕山有大鴈集其中。曰鴈塞。南不過衡山。衡山旁有峯曰回鴈。蓋鴈水鳥。衡山多山故也。

太平天子回中望。

〔史記〕始皇巡隴西北地。出雞頭山。過回中。〔注〕應劭曰。在安定高平。孟康曰。回中在北地。〔括地志〕回中在雍州西四十里。漢武帝元封間。因至雍通回中。

齊國先生稷下談。

〔魯連子〕齊之辨者曰田巴。辨於俎丘。而議於稷下。毀五帝。罪三王。服五伯。離堅白。合同異。一旦而服千人。〔七略〕齊有稷城門也。齊談說之士。期會於稷下者甚衆。

猶有七香車幾兩。

〔魏武與楊彪書〕今贈足下四望通憲七香車二

乘。青犢牛二頭。曉來風雨定誰驂。

柳博士自太常出提舉江西儒學來訪宿山中二首

一掃空山鹿豕蹤。

〔孔叢子〕子高遊趙。趙有鄒文。李節爲友。及別。文節流涕交頤。子高惟握手而已。分袂就路。其徒問之。子高曰。人生有四方志。豈鹿豕哉。而常羣衆乎。

車如流水馬如龍。

〔後漢書〕明德后詔

曰。吾前過濯龍門上。見外家問起居者。車如流水。馬如游龍。

黃麾法仗知宸輦。

解見畫馬行。

青史勳名問景鐘。

〔江淹書〕並圖青史。〔國語〕晉魏顆以其身退秦師於輔氏。其勳銘於景鐘。〔唐韓愈詩〕

不使勳名上景鐘。

宣室受釐端有召。

〔前漢賈誼傳〕帝召誼入見。方受釐。坐宣室。因問鬼神之本。誼具道其故。至夜半。帝前席既罷。曰。吾久不見賈生。自以爲過之。今不及也。

曲臺傳禮尙爲容。

解見歲晚

懷戴子

少年作賦將投獻。東北孤雲是岱宗。

〔書〕歲二月。東巡狩至于岱宗。〔韓愈集序〕學者仰之如泰山北斗。〔杜甫詩〕西北有孤雲。

二

尚有歐會舊典刑。

〔宋史〕歐陽修字永叔。廬陵人。曾鞏字子固。南豐人。俱屬江西。〔詩〕雖無老成人。尚有典型。

森然人物照青冥。身從北闕攀燕桂。

〔古今詩話〕寶禹鈞有子

五人。儀儼。僊侃。仁俱登第。馮道贈之詩曰。燕山

寶十郎。教子以義方。靈椿一枝老。丹桂五枝芳。

夢壓西江食楚萍。

〔家語〕楚昭王渡江。江中有物。舟人取之。羣臣莫之能識。王使使問於孔子。孔子曰。此所謂萍實者也。昔童謠曰。楚王渡江得萍

實。大如斗。赤如日。剖而食之。甜如蜜。

萬里毳袍春值雪。

〔詩〕毳衣如菴。〔注〕天子大夫服毳冕以巡行。

千年龍劍夜占星。

解見送鄭獻可

此身恨不輕簪笈。

〔史記〕虞卿跣

躡擔簪。〔又〕

的的根源在一經。

蘇秦負笈從師。

得大人書喜聞秋末自散不刺復回大都賦寄宣彥高

〔元地理志〕大都路。唐幽州。范陽郡。遼改燕京。金遷都爲大興府。元太祖克燕。初爲燕京路。總管大興府。世祖至

元元年。中書省臣言。開平府。闕廷所在。加號上都。燕京分立省部。亦乞正名。遂改中都。其大興府仍舊。四年。始於中都之東北。置今城。而遷都焉。九年。改大都。

一紙江南到屋屏。高秋漠北奉宮闈。金微駐蹕踰唐塞。

〔後漢紀〕寶憲遣左校尉耿襲出居延塞。圍北單于於金微山。〔唐地理志〕羈縻州有金微都督府。隸安北都護府。鐵

勒鳴弔接漢畿。

鐵勒即勒勒解見鄯州。僕固懷恩傳貞觀十二年鐵勒九姓大會領率衆降分置瀚海燕然金微幽陵等九都督府。

縣叢行朝因贊玉。

縣叢解見柳博士出示。書五玉三帛二生一死贊。

躡林望祭類游衣。

躡林地名。前漢匈奴傳注服虔曰匈奴秋社八月中會祭處師古曰躡者繞林而祭也。音帶。通鑑漢惠帝以朝長樂宮數蹕煩民乃築複道武庫南叔孫通諫曰此高帝月出游衣冠之道也子孫奈何乘宗廟道上行

說注高寢在高廟西高帝衣冠藏焉每月一出之游於高廟。

明年草賦呈親去想像汾陰扈從歸。

通鑑漢文帝治汾陰廟西京雜記漢朝與駕祠甘泉汾陰備千乘萬騎太僕執轡大將軍陪乘汾陰

今山西汾州府。

次韻柳博士五洩山紀遊四首

五洩山見觀齊謝玄卿遇仙記。

首路東岡幾屈蟠。青天束峽望來慳。林多鹿豕山爲國。瀑有蛟龍海共寰。客子杖藜依樹石。神仙樓閣幻

茅管。吾知此處宜招隱。詎減淮南大小山。

解見早秋偶然作。

二

日曉行呼野鶴羣。山溪五級洗巖氛。虹霓射壁從空現。霹靂搜潭到地聞。

爾雅注雷之急激者爲霹靂。易雷出地奮。

桑芋茶鐺

遺凍雪。

高士傳唐陸羽字鴻漸隱居苕溪自號桑苎撰茶經三卷其論煮有云如菊英墮於樽俎之中。餗者以泔煮之及沸則重華累沫。皤皤然如積雪耳。茶賦所謂煥如積雪。燁若春蕖有之。

倭伶藥杵落晴雲。

解見山中。

飄然早已同仙術。老我曾探嶽瀆文。

〔漢武內傳〕帝見王母巾笈中有一卷書。盛以紫錦之囊。帝問此書是仙靈方邪。不審得瞻盼否。王母曰。此五嶽真形圖也。昨青城諸仙就吾請求。今當過以付之。豈汝穢質所

宜佩乎。帝固請不已。王母曰。背上皇清虛元年。三天太上道君。下觀六合。因山源之規矩。觀河嶽之盤曲。陵迴阜轉。山高龍長。周旋逶迤。形似書字。諸仙佩之。皆如傳章。道士執之。經行山川。百神羣靈。尊奉親近。汝雖不正。然數訪仙澤。欣子有心。今以相與。當深奉慎。如事君父。泄示凡夫。必禍及也。

三

一點剛風削玉蓉。

剛風解見泰山高。

仙山肺腑闕重重。眼穿上界成官府。

句解見星君像圖。

舌捲西江得祖宗。

〔傳燈錄〕龐居士蘊參馬祖。

云。不與萬法爲侶者。是什麼人。祖曰。待汝一口吸盡西江水。即向汝道。〔又〕六祖謂南嶽曰。向去佛法從汝邊去。馬駒踏殺天下人。厥後江西遂傳法廣布於天下。時號馬祖。

鷲嶺雞峯渾未到。

〔水經注〕靈鷲山胡語云。耆闍窟山。是山青

石。遠望如鷲鳥形。因名。〔法華經〕耆闍窟山。中山形如鷲。佛嘗居此中。故號鷲嶺。〔釋典〕世尊曾在野鹿苑中。爲鹿王教主。羣鹿無擾。王造伽藍。名雞園。昔有野火燒林。林中有雉入水。漬羽以救其火。即雞頭摩寺。

龍湫鴈蕩豈多逢。

解

題清節處士卷。

年來臥病吾環堵。

〔莊子〕原思居魯環堵之室。茨以生草。蓬戶不完。桑以爲樞。而甕牖二室。褐以爲塞。上漏下溼。匡坐而絃。

負卻詩家九節筇。

〔真誥〕楊羲夢蓬萊仙翁。拄赤九節杖。

而視白龍。

四

古越名山最阻修。遙空縛下紫金虬。孫生隱在聞長嘯。

解見夕泛海東。

屈子騷成賦遠遊。

〔楚辭注〕離騷經者。屈原之所作也。原與楚同姓。仕於懷王。

被讒。憂心煩亂。不知所訴。乃作離騷遠遊者。原既放。悲嘆之餘。眇觀宇宙。作爲此篇。

魚鳥從容還自得。

〔晉書嵇康傳〕山濤將去。選官舉康自代。康與書曰。遊山澤。觀魚鳥。心甚樂之。一行作吏。此事便廢。安能舍其所樂。而從其所懼哉。

龍蛇混雜不同流。自今便欲鑄崑石。俗駕能來尙掩羞。

范蠡宅

解見憶寄方子清。

淡淡寒雲鶴影邊。荒山故宅忽千年。大夫已賜平吳劍。

〔文種傳〕種字子禽。句踐平吳。乃賜種劍。遂自殺。

西子還隨去越船。

〔越絕書〕西施亡吳國。

後復歸范蠡。同泛五湖而去。

白日撐空留罔象。

罔象。解見觀張循王戰處。

青松落井化蜿蜒。徒憐此地無章甫。只解區區學計然。

〔禮〕孔子衣縫掖。

之衣。冠章甫之冠。〔前漢貨殖傳〕越王困於會稽之上。用范蠡計然。十年國富。厚賂戰士。遂報強吳。刷會稽之恥。范蠡嘆曰。計然之策。十用其五而得意。既以施國。吾欲施之家。迺乘扁舟。浮江湖。變名姓。適齊。爲鴟夷子皮之陶。爲朱公。治產積居。與時逐。十九年之間。三致千金。而再分散於貧友昆弟。

寄吳正傳

日晚天寒攬敝裘。西南目盡激江流。養生有盡空成嬾。〔晉書嵇康傳〕康恬靜寡慾。長好莊老。修養性服食之事。彈琴咏詩。自足於懷。以爲神仙。聚之自然。非積學所得。至於導養得理。

則安期。彭祖之倫。可及。乃著養生論。

招隱無騷卻好遊。

解見早秋。偶然作。

鴈鵠吟風燈照機。蛟龍躍雪劍鳴韝。平生自笑飛騰暮。幸矣心

猶與道謀。

觀唐沈玢續仙傳

手展仙書向此朝。起予俗病對芭蕉。室間半夜雲璈動。

〔真仙通鑑〕漢武帝好長生之道。清齋百日。焚香宮中。夜二唱後。白雲起於西南。鬱鬱而至。王母乘紫雲之輦。駕五色斑龍。天姿

奄靄。眞靈人也。下車二女扶持登牀。東向而坐。帝拜跪問寒溫。侍立良久。呼帝賜坐。設以天廚。命王子登彈八琅之璈。董雙成吹雲和之笙。石公子擊昆廷之玉。許飛瓊鼓震靈之簧。婉凌華拊五靈之石。范成擊湘陰之慶段。安香作九天之鈞。法嬰歌玄靈之曲。

富

縫千年雪髓消。

〔神仙傳〕王烈入太行山。忽見山坡石裂。青泥流出如髓。烈取食之。如飴。餘半欲與嵇康。凝而爲石。烈嘆曰。叔夜志趣非常。而輒不遇。命也。

閑說茅龍騎太白。賸聞尤鶴降仁

嬌。秦車漢輦窮天下。望斷蓬萊併寂寥。

〔史記封禪書〕始皇東遊海上。求仙人羨門之屬。方士徐市等上書。請得與童男女入海。求三神仙不死藥。許之。乃入海。船交海中。皆以風爲解。曰。未能至。望見之焉。

後五年。始皇南至湘山。遂登會稽並海上。冀遇海中三神山之奇藥。不得。還至沙丘。崩。〔又〕漢武帝既封太山。方士或言蓬萊諸神。若將可得。上乃東至海上。遣方士求神仙采芝藥以千數。迨封禪遍於五岳四瀆。而方士之候祠神人入海求蓬萊。終無有驗。而天子益怠。

厭方士之迂怪語矣。